

# «Ski Challenge 2010»

■ (cp) **La pli gronda e populara cursa da skis dal mund va en la proxima stagiun. La «Ski Challenge 2010» ha cumenzà ed a partir d'immediat pon ins chargiar da l'internet la nova versiun. Sco mintg'onn stat er a disposiziun ina versiun rumantscha dal gieu.**

La «Ski Challenge» è in gieu da computer gratuit ch'ins po chargiar ed installar sin l'agen computer. Il gieu funcziunescha en il modus da trenament offline ubain er en la versiun da concurrenza online. Las sondas e dumengias, durant las qualas ha lieu ina cursa rapida FIS dals umens, vegn era manà tras la «Ski Challenge» online. Lentschatta da la nova «Ski Chal-

lenge» ha lieu a Beaver Creek, e quai a partir dals 4 fin ils 6 da december 2009. En tschintg cursas pon ins recalgtar puncts per il cup mundial ed a la fin enconuschain nus il victur dil cup mundial. Ultra da quai ha era lieu, parallel cun ils gieus olimpics, ina cursa rapida a Whistler.

## Duas novas cursas en il chalender

04-12 fin 06-12-09  
Beaver Creek (USA) nov  
18-12 fin 20-12-09  
Gröden (ITA)  
29-12 fin 31-12-09  
Bormio (ITA)  
15-01 fin 17-01-10

Wengen (SUI)  
22-01 fin 24-01-10  
Kitzbühel (AUT)  
13-02-09  
Whistler (CAN) nov

## Novas funcziuns

Per la prima giada èn avant maun differentas modas d'applicaziun (PC e Mac). Per exempel san ins cuntanscher il pli lung sigl ubain la spertadad maximala. Era pon ins far il «chatten» en ed ordaifer il gieu cun amis. Nov è er in modus optimal da video cun cumparegliaziun da lingias.

## Premis

Tar mintga singula cursa sco era per il classament final dil cup mundial vegnan surdads premis attractivs. Detagls: [www.skichallenge.ch](http://www.skichallenge.ch).

Già per la tschintgavla giada ha lieu en Svizra la stagiun virtuala dil cup mundial da skis. La stagiun 2008/09 han betg main che 150 000 participants participà a la concurrenza. Ensem cun l'Austria, la Germania ed auters pajais ha «Ski Challenge» dapli che in milliun participants.



**La stagiun 2008/09 han 150 000 personas participà a la concurrenza da Ski Challenge.**<sup>MAD</sup>